

PENGUBALAN DAN PELAKSANAAN ENAKMEN KESALAHAN JENAYAH SYARIAH (TA'ZIR) NEGERI TERENGGANU : SATU PENGALAMAN

Oleh : YAA Dato' Dr. Abdullah Bin Bakar*
Ketua Hakim Syar'ie Negeri Terengganu

Abstrak

Artikel ini memaparkan tentang perubahan yang telah dibuat oleh Kerajaan Terengganu mengenai Pengubalan dan Pelaksanaan Enakmen Kesalahan Jenayah Syariah (Ta'zir) pada tahun 2001. Beberapa pindaan dibuat dari tahun sebelumnya sebagai pelengkap kepada undang-undang yang telah sedia ada supaya undang-undang Islam di Terengganu lebih mantap terutama dalam kesalahan ta'zir.

The article shows the amendments which have been made by Terengganu State Government on the legislation and implementation of Syariah Criminal Offence Enactment in 2001. Several amendments have been made to the existing law from the year before so that the Islamic law in Terengganu especially that involving ta'zir offences would be established.

هذا المقال يتعرض للإصلاحات التغييرات القانونية التي قامت بها حكومة ترينجانو بشأن تشريع وتطبيق القانون الجنائي الشرعي (التعزير) عام ٢٠٠١ . فهناك بعض التغييرات التي عملت تكملة للقانون الموجود سابقا وترسيخا له خصوصا ما يتعلق بجريمة التعزير .

Pendahuluan

Pengubalan Enakmen Kesalahan Jenayah Syariah (Ta'zir) Negeri Terengganu tidak dapat dinafikan banyak merangkumi aspek-aspek yang sebelum ini tidak diberi perhatian oleh Enakmen sebelumnya. Aspek-aspek itu juga mempunyai kesan buruk kepada sistem masyarakat seperti mana kesalahan-kesalahan yang diberi tempat dalam Enakmen negeri-negeri lain.¹

* Abdullah Abu Bakar Jksn.Tr, Dibentang dalam Seminar Hukum Islam di Malaysia, anjuran Kolej Islam Antarabangsa Sultan Ismail Petra (KIAS) Nilam Puri, Kota Bharu Kelantan pada 1 Mac 2004 = 9 Muharram 1425.

Contohnya:-

- Tidak menunaikan sembahyang Jumaat – Seksyen 188
- Minuman yang memabukkan – Seksyen 189
- Tidak berpuasa – Seksyen 190
- Perbuatan sumbang – Seksyen 193
- Bertindak salah sebagai Khatib Imam – Seksyen 200
- Mengembang I'tiqad atau kepercayaan Agama – Seksyen 201
- Syarahan-syarahan dalam Masjid – Seksyen 202

Bilangan kesalahan jenayah syariah mengikut Enakmen Pentadbiran Hal Ehwal Agama Islam 1986 adalah sebanyak lebih kurang 27 kesalahan, ini tidak termasuk kesalahan yang dimasukkan di bawah Enakmen Keluarga Islam bil. 12, 1985. Bilangan peruntukan di bawah seksyen-seksyen 33, 34, 35, 36, 37, 38, 120, 121, 122, 123, 124, 125, 126, 127, 128, 129, 130 dan 131.

Analisa

Kalau dipandang kepada jenis kesalahan yang dimuat dalam Enakmen-Enakmen di atas ia menyentuh aspek-aspek berikut:-

1. Mengawal agama dari tidak menghayati (seksyen 188, 189, 190, 191)
2. Mengawal masyarakat dari perbuatan yang menyalahi akhlak (seksyen 192, 193, 197, 207, 211, 241, 215, dll)
3. Tidak ikut peraturan (seksyen 194, 196, 198, 199, 200, 201, 202, 203, dll)
4. Menjamin kelicinan perjalanan Enakmen (seksyen 120, 121, 122, 129 (Enakmen bil. 12, 1985)
5. Menyekat kezaliman (seksyen 123, 124, 125, 128, 130)

Kalau dilihat sekali pandang peruntukan dalam Enakmen Bil. 12, 1986 dan Bil. 12, 1985 memuatkan dua perkara asas :-

1. Menekan kawalan ke atas amalan-amalan fardu.
2. Menekan kawalan ke atas aktiviti yang boleh mempengaruhi orang ramai dari turut serta dalam aktiviti yang boleh membuka minda orang ramai.

Contoh 1 :

Tak menunaikan sembahyang, minum minuman yang memabukkan, tak puasa, mengembang I'tikad atau kepercayaan agama dll.

Contoh 2 :

Bertindak salah sebagai Imam, khatib atau bilal, Syarahan-syarahan dalam masjid, mendirikan mana-mana bangunan yang digunakan sebagai atau bagi maksud sebuah masjid tanpa kebenaran Pesuruhjaya, mengumpul atau mengambil bahagian dalam menunaikan sembahyang Jumaat di mana-mana tempat selain daripada masjid atau tempat yang diluluskan oleh Pesuruhjaya dll.

Dalam Enakmen Ta'zir Bil. 7 2001

Ada membuat peruntukan mengikut bahagian seperti berikut :-

1. Kesalahan berhubung dengan aqidah
2. Kesalahan berhubung dengan kesucian agama Islam dan institusinya
3. Kesalahan berhubung dengan kesusilaan
4. Kesalahan berhubung dengan ketenteraman awam
5. Kesalahan berhubung dengan persubahatan dan percubaan
6. Kecualian am

Undang-Undang Berkait Bidangkuasa

Akta A 612 :

Akta Mahkamah Syariah (Bidang Kuasa Jenayah) 1965 adalah dipinda dengan menggantikan proviso kepada seksyen 2 dengan yang berikut :-

"Provided that such jurisdiction shall not be exercised in respect of any a offence punishable with imprisonment for a term exceeding three years or with any fine exceeding five thousand ringgit or with whipping exceeding six strokes or with any combination there of".

**Enakmen Pentadbiran Hal Ehwal Agama (Terengganu)
Bil 12, Tahun 1986 :**

Hukuman/denda terpakai kepada kesalahan-kesalahan yang ada dalam bidangkuasa Mahkamah Syariah negeri-negeri. Contoh-contoh terdapat dalam bahagian vii Enakmen tersebut di bawah seksyen-seksyen berikut :-

188. Tidak menunaikan Sembahyang Jumaat – Hukuman denda RM1000 / penjara tak lebih 6 bulan / kedua-duanya.
189. Meminum minuman yang memabukkan – Hukuman denda RM1000 / 6 bulan penjara / kedua-duanya.
190. Tidak berpuasa – Hukuman denda RM500 / 3 bulan penjara / kedua-duanya
192. Khalwat – Hukuman denda RM3000 / 1 tahun penjara / kedua-duanya.
193. Perbuatan sumbang – Hukuman RM3000 / 1 tahun penjara / kedua-duanya.
194. Menyimpan wang dengan tidak ada sebab – Hukuman RM5000 / 3 tahun penjara / kedua-duanya.
195. Pungutan salah untuk maksud khairat – Hukuman RM5000 / 3 tahun penjara / kedua-duanya.
196. Meninggalkan kewajipan berkanun – Hukuman RM1000 / 6 bulan penjara / kedua-duanya.
197. Memecah rahsia – Hukuman RM1000 / 6 bulan penjara / kedua-duanya.
198. Hukuman melanggar seksyen-seksyen 167 & 168 – Hukuman RM5000 / 3 tahun penjara / kedua-duanya.
199. Pengajaran agama – Hukuman RM1000 / 6 bulan penjara / kedua-duanya.
200. Bertindak sebagai Imam, Khatib atau Bilal dalam sembahyang Jumaat – Hukuman RM3000 / 1 tahun penjara / kedua-duanya.
201. Mengembang I'tiqad / kepercayaan agama – Hukuman RM3000 / 1 tahun penjara / kedua-duanya.
202. Syarahan-syarahan dalam masjid – Hukuman RM1000 / 6 bulan penjara / kedua-duanya.
203. Menampal bil-bil atau sebaliknya mencatitkan masjid – Hukuman RM3000 / 1 tahun penjara / kedua-duanya.
204. Ajaran palsu – Hukuman RM5000 / 3 tahun penjara / kedua-duanya.
205. Fatwa – Hukuman RM5000 / 3 tahun penjara / kedua-duanya.
206. Menghina ayat Quran dan sebagainya – Hukuman RM 3000 / 1 tahun penjara / kedua-duanya.
207. Menghina pihak-pihak berkuasa agama – Hukuman RM3000 / 1 tahun penjara / kedua-duanya.
209. Menghina agama – Hukuman RM3000 / 1 tahun penjara / kedua-duanya.
211. Hasutan meninggalkan kewajipan agama – Hukuman RM3000 / 1 tahun penjara / kedua-duanya.

212. Kesalahan-kesalahan berkait dengan Baitulmal – Hukuman RM1000 / 6 bulan penjara / kedua-duanya.
213. Tidak membayar Zakat dan Fitrah – Hukuman RM3000 / 1 tahun penjara / kedua-duanya.
214. Menceroboh atau secara haram menduduki harta wakaf – Hukuman RM3000 / 1 tahun penjara / kedua-duanya.
215. Menjual, memberi atau menyerah anak – Hukuman RM3000 / 1 tahun penjara / kedua-duanya.
216. Tidak menghiraukan titah perintah mengenai awal Ramadhan dan dua Hari Raya – Hukuman RM1000 / 6 bulan penjara / kedua-duanya.
217. Mencetak, menerbit, mengedar dan memiliki penerbitan haram – Hukuman RM3000 / 1 tahun penjara / kedua-duanya.

Dalam Undang-Undang Pentadbiran Keluarga Islam (Terengganu) bil 12, tahun 1985 terdapat peruntukan-peruntukan dibawah seksyen-seksyen berikut :-

33. Tidak hadir di hadapan Pendaftar dalam masa yang ditetapkan (dalam masa 2 bulan) – Hukuman RM1000 / 6 bulan penjara / kedua-duanya.
34. Pelanggaran terhadap seksyen 33 – Hukuman RM5000 / 3 bulan penjara / kedua-duanya.
35. Gangguan terhadap perkahwinan – Hukuman RM1000 / 6 bulan penjara / kedua-duanya.
36. Akaun atau pernyataan palsu untuk mendapatkan perkahwinan – Hukuman RM1000 / 6 bulan penjara / kedua-duanya.
37. Akad nikah perkahwinan yang tidak dibenarkan – Hukuman RM1000 / 6 bulan penjara / kedua-duanya.
38. Kesalahan-kesalahan berhubung dengan akad nikah perkahwinan – Hukuman RM1000 / 6 bulan penjara / kedua-duanya.
120. Poligami tanpa kebenaran Hakim Syarie – Hukuman RM1000 / 6 bulan penjara / kedua-duanya.
121. Perceraian di luar mahkamah dan tanpa kebenaran mahkamah – Hukuman RM500 / 3 bulan penjara / kedua-duanya.
122. Tidak membuat laporan – Hukuman RM1000 / 6 bulan penjara / kedua-duanya.
123. Meninggal langsung isteri – Hukuman RM1000 / 6 bulan penjara / kedua-duanya.

124. Menganiaya isteri – Hukuman RM1000 / 6 bulan penjara / kedua-duanya.
125. Tidak memberi keadilan sewajarnya kepada isteri – Hukuman RM1000 / 6 bulan penjara / kedua-duanya.
126. Isteri tidak menurut perintah – Hukuman RM100 / RM500
127. Jadi murtad untuk membatalkan perkahwinan – Hukuman 6 bulan penjara
128. Bersekedudukan semula dalam tempoh iddah raj'i – Hukuman RM500 / 3 bulan penjara.
129. Rujuk tanpa persetujuan isteri – Hukuman RM1000 / 6 bulan penjara / kedua-duanya.
130. Dengan sengaja cuai mematuhi perintah nafkah – Hukuman 1 bulan bagi tiap bulan nafkah yang tidak dibayar.
131. Percubaan dan syubhat – Hukuman sama dengan hukuman kesalahan utama.

Dalam Enakmen Tatacara Jenayah Syariah (Terengganu) Bil 5, tahun 2001 terdapat peruntukan dalam seksyen-seksyen berikut :-

210. Penghinaan Mahkamah – Hukuman RM100
211. Maklumat, keterangan atau pengakuan palsu – Hukuman RM2000 / 1 tahun penjara / kedua-duanya.
212. Pegawai agama yang mengingkari arahan undang-undang dengan niat menyebabkan bencana kepada mana-mana orang – Hukuman RM2000 / 1 tahun penjara / kedua-duanya.
213. Tidak mengemukakan dokumen kepada Pegawai Agama oleh seorang yang terikat di sisi undang-undang – Hukuman RM1000 / 6 bulan penjara / kedua-duanya. Jika dokumen itu dikehendaki diserahkan kepada Mahkamah – Hukuman RM2000 / 1 tahun penjara / kedua-duanya.
214. Enggan mengangkat sumpah apabila dikehendaki – Hukuman RM2000 / 1 tahun penjara – Hukuman RM2000 / 1 tahun penjara / kedua-duanya.
215. Enggan menjawab soalan Pegawai Agama yang ada kuasa - Hukuman RM2000 / 1 tahun penjara / kedua-duanya.
216. Enggan menandatangani pernyataan – Hukuman RM1000 / 6 bulan penjara / kedua-duanya.
217. Dengan sengaja menghina atau mengganggu Pegawai Agama yang sedang bersidang dalam mana-mana peringkat prosiding kehakiman – Hukuman RM2000 / 1 tahun penjara / kedua-duanya.

**Seksyen 199 Enakmen Pentadbiran Hal Ehwal Agama Islam
(Terengganu) Bil 12, 1986**

1. Kecuali kepada keluarga rumahnya sahaja di dalam tempat kediamannya sendiri, tiada seorang boleh mengajar atau menghurai atau menerangkan atau melakukan apa-apa perbuatan yang boleh diertikan sebagai mengajar, menghurai atau menerangkan sesuatu perkara yang berkaitan dengan agama Islam tanpa kebenaran bertulis daripada Pesuruhjaya.
2. Kecuali dibenarkan oleh mana-mana undang-undang bertulis, tidaklah boleh mana-mana orang atau kumpulan orang mendirikan sekolah agama Islam atau menggunakan mana-mana bangunan yang sedia ada sebagai atau bagi maksud menjadikan sebuah sekolah agama Islam tanpa kebenaran bertulis daripada Pesuruhjaya.
3. Melainkan dengan kelulusan Majlis, sesiapa yang telah disabitkan oleh Jawatankuasa Fatwa mengajar ilmu salah tidaklah boleh mengajar atau menghurai atau menerangkan sesuatu perkara yang berkaitan dengan agama Islam walaupun dalam kediamannya sendiri.
4. Barangsiaapa melanggar subseksyen (1) (2) atau (3) adalah melakukan suatu kesalahan dan hendaklah dihukum denda tidak melebihi RM1000 atau penjara tidak lebih 6 bulan atau kedua-duanya sekali.
5. Mahkamah boleh tertakluk kepada apa-apa hak mana-mana pihak ketiga, memerintahkan orang yang disabitkan kesalahan di bawah subseksyen 2 supaya merobohkan bangunan berkenaan.

Dari seksyen 199 kita dapati :-

1. Mengajar, menghurai atau menerangkan agama tanpa kebenaran bertulis menjadi suatu kesalahan.
2. Individu / kumpulan tidak boleh mendirikan sekolah agama Islam tanpa kebenaran bertulis menjadi suatu kesalahan.
3. Mengajar atau menghurai ilmu salah walaupun dalam rumah sendiri menjadi suatu kesalahan.
4. Bangunan yang digunakan untuk tujuan sekolah agama Islam tanpa kebenaran boleh dikenakan hukuman roboh.

Pada fahaman saya seksyen ini boleh terdedah kepada salah guna bagi tujuan menyekat perkembangan dakwah dan pelajaran agama Islam. Apa yang dapat dilihat dalam seksyen yang sama ianya tidak membezakan antara

ajaran agama yang salah. Kedua-duanya jika tidak ada kebenaran menjadi kesalahan.

Dalam Enakmen Kesalahan Jenayah Syariah (ta'zir) (Terengganu) bil 7, tahun 2001 Terdapat peruntukan.

Doktrin palsu :

4.

- (1) Mana-mana orang yang mengajar atau menjelaskan apa-apa doktrin atau melaksanakan apa-apa upacara atau perbuatan yang berhubungan dengan agama Islam di mana-mana tempat, sama ada tempat persendirian atau tempat awam, adalah melakukan suatu kesalahan jika doktrin atau upacara atau perbuatan itu berlawanan dengan Hukum Syarak atau mana-mana fatwa yang sedang berkuat kuasa di Negeri Terengganu, dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau disebat tidak melebihi enam sebatan atau dihukum dengan mana-mana kombinasi hukuman itu.
- (2) Mahkamah boleh memerintah supaya mana-mana dokumen atau benda yang digunakan dalam pelakuan atau yang ada kaitan dengan kesalahan yang disebut dalam subseksyen (1) dilucuthakkan dan dimusnahkan, walau tiada seorang pun telah disabitkan atas kesalahan itu.

Mana-mana orang yang mengembangkan doktrin atau kepercayaan agama selain daripada doktrin atau kepercayaan agama Islam di kalangan orang yang beragama Islam adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau kedua-duanya.

Seksyen-seksyen di atas menetapkan jenis doktrin palsu iaitu jika ianya berlawanan dengan Hukum Syarak atau mana-mana Fatwa yang sedang berkuat kuasa di negeri Terengganu. Ini boleh difahami apa-apa doktrin atau perbuatan yang berhubungan dengan agama Islam yang tidak berlawanan dengan Hukum atau Fatwa yang dipakai dalam negeri Terengganu, doktrin atau perbuatan itu boleh diajar.

Begitu juga menjadi kesalahan jika mana-mana orang mengembangkan doktrin atau kepercayaan agama selain daripada doktrin atau kepercayaan agama Islam di kalangan orang yang beragama Islam.

Hukuman atas kesalahan di bawah seksyen 4 jika sabit boleh didenda tidak melebihi RM5000 / penjara tidak melebihi 3 tahun / sebat tak lebih 6 sebatan / mana-mana kombinasi hukuman. Di bawah seksyen 5 hukuman dikenakan sehingga RM5000 / 3 tahun penjara / kedua-duanya.

Dalam Enakmen Pentadbiran Hal Ehwal Agama Islam (Terengganu) bil 12, tahun 1986 memperuntukkan :

Barang siapa bertindak sebagai Imam, Khatib, atau Bilal berhubung dengan penunaian mana-mana sembahyang Jumaat, dengan menyalahi seksyen 169 adalah melakukan suatu kesalahan dan hendaklah dihukum denda tidak melebihi tiga ribu ringgit atau penjara tidak melebihi satu tahun atau kedua-duanya sekali.

Menjadi suatu kesalahan jika seorang bertindak sebagai Imam, Khatib atau Bilal berhubung dengan mana-mana sembahyang Jumaat oleh seorang yang tidak diberi kuasa oleh Jabatan. Juga menjadi kesalahan bagi seorang bertindak sebagai Imam, Khatib atau Bilal berhubung dengan penunaian mana-mana sembahyang Jumaat di tempat yang ia tidak ditugaskan kecuali dengan kebenaran Jabatan.

Peruntukan ini menutup ruang kepada sesiapa yang luar untuk menjadi Imam, Khatib atau Bilal bagi sembahyang Jumaat, hatta kepada seorang Imam, Khatib atau Bilal dilantik juga boleh menjadi Imam atau sebagainya di luar masjid yang ianya bertugas.

Dalam Enakmen Kesalahan Jenayah Syariah (Ta'zir) (Terengganu) Bil. 7, tahun 2001

Tidak membuat apa-apa peruntukan berhubung dengan sembahyang Jumaat, sama ada oleh seorang yang bukan Imam, Khatib atau Bilal yang dilantik atau oleh seorang yang bukan Imam, Khatib atau Bilal yang dilantik atau oleh seorang Imam atau sebagainya dari masjid yang ia dilantik. Ini difahami mengikut Enakmen bil 7, 2001 adalah tidak menjadi suatu kesalahan jika mana-mana orang bertindak selaku Imam, Khatib atau sebagainya walaupun tanpa kebenaran jabatan.

Enakmen Pentadbiran Hal Ehwal Agama Islam (Terengganu) bil. 12, tahun 1986 membuat peruntukan :

Seksyen 202

- (1) Tidak boleh sesiapa memberi apa-apa syarahan dalam apa-apa bentuk sekalipun di dalam mana-mana masjid dengan tiada terlebih dahulu mendapat kebenaran bertulis, sama ada dengan secara am atau khas, daripada Pesuruhjaya atau mana-mana orang yang diberi kuasa olehnya.
- (2) Pesuruhjaya boleh, dengan cara pemberitahuan dalam WARTA, mengecualikan mana-mana badan atau pertubuhan daripada peruntukan subseksyen (1).
- (3) Barangsiapa melanggar subseksyen (1) adalah melakukan suatu kesalahan dan hendaklah dihukum denda tidak melebihi seribu ringgit atau penjara tidak melebihi enam bulan atau kedua-duanya sekali.

Seksyen ini membuat ketetapan memberi apa-apa syarahan dalam mana-mana Masjid tanpa kebenaran menjadi suatu kesalahan, kecuali mana-mana badan tertentu yang disiarkan dalam Warta. Atas kesalahan ini orang ini boleh denda tak lebih RM1000 / penjara tak lebih 6 bulan / kedua-duanya. Seksyen ini juga boleh terdedah kepada penggunaan yang wajar atau tidak wajar. Secara literal memberi syarahan dalam mana-mana masjid jika tak ada kebenaran sudah menjadi kesalahan. Ini boleh difahami walaupun jika syarahan yang diberi itu tidak ada cacat celanya.

Di bawah Enakmen Kesalahan Jenayah Syariah (Ta'zir) (Terengganu) 2001 tidak terdapat peruntukan seperti yang terdapat dalam seksyen 202, Enakmen bil 12, tahun 1986.

Dengan itu bersyarah dalam masjid oleh mana-mana orang atau pertubuhan tidak menjadi suatu kesalahan yang boleh dikenakan apa-apa hukuman.

Implikasi

Kehadiran seksyen-seksyen 199, 200 dan 2002 Enakmen Bil 12, 1986 membawa implikasi besar kepada usaha menyebarkan kefahaman Islam kepada masyarakat umum. Masyarakat awam akan merasakan sentiasa bimbang dan risau atas usaha mereka untuk mengikuti pengajaran agama,

kerana usaha seperti itu dikira kesalahan dan mereka yang mengikutinya pula boleh diertikan sebagai bersyubahat.

Bahkan peruntukan Enakmen itu menjadi realiti pahit kepada orang ramai, kerana antara mereka ada yang diseret ke mahkamah atas kesalahan mendengar syarahan seperti itu. Kesan ketara dapat dilihat dalam masjid-masjid tak berapa ramai orang yang turut mendengar syarahan agama, walaupun yang hadir ia lebih kepada mengawasi pengajaran guru-guru yang memberi syarahan dan bukannya untuk memahami pengajaran tersebut. Dari kalangan pengajar pula tidak ramai yang boleh diterima selaku pengajar yang memenuhi selera pentadbiran negeri. Kalau pun ada hanya seorang dua, sementara selebihnya biasanya terdiri daripada pengajar-pengajar yang sanggup belajar mengikut angin atau mudik menyusur arus.

Atas sebab-sebab ini pergerakan aktiviti di masjid menjadi hampir tidak bermaya dan setengahnya menjadi lumpuh. Yang ada dalam masjid hanyalah sembahyang jemaah dan para jemaahnya pula ramai terdiri daripada orang-orang tua. Keadaan begini mengalami masa yang agak lama yang bermula dari lepas merdeka hingga penghujung 1999.

Pertukaran mula mengorak langkah di Terengganu apabila pentadbiran negeri bertukar tangan. Kuasa perundangan turut berubah seiring dengan tema "Membangun Menurut Islam". Secara amali beberapa undang-undang yang berkaitan dengan bidangkuasa negeri dikemukakan dan diluluskan.

Antara undang-undang yang dimaksudkan ialah :-

Enakmen kesalahan Jenayah Syariah (Ta'zir) 2001 mempunyai 69 seksyen menyebut kesalahan ta'zir dalam lebih kurang 62 seksyen.

Pengukur Kesalahan

1. Hukum Syarak dalam seksyen : 3, 4, 6, 14 dan 52
2. Kepercayaan agama lain daripada Islam dalam seksyen 5
3. Melanggar larangan syarak yang jelas, contohnya :
Seksyen : 7, 8, 9, 10, 14, 15, 16, 18, 19, 20, 21, 22, 23, 24, 25, 26, 27, 28, 29, 30, 31, 31
4. Berlawanan dengan akhlak Islam, contohnya :
Seksyen : 33, 34, 35
5. Berlawanan dengan peraturan keadilan, contohnya ;
Seksyen : 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53

6. Keberkaitan dengan kesalahan, contohnya :
Seksyen : 55, 56, 57, 58, 59
7. Perlindungan / kecuali, contoh :
Seksyen 60, 61, 62, 63, 64, 65

Kadar Hukuman / Denda Dalam Enakmen Bil 12, 1986 / 1985

RM5000 / 3 tahun penjara / keduanya	Seksyen : 194, 195, 198, 205
RM3000 / 1 tahun penjara / keduanya	Seksyen : 192, 135, 200, 201, 203, 206, 207, 209, 211, 213, 214, 215, 217
RM1000 / 6 bulan penjara / keduanya	Seksyen : 188, 189, 197, 199, 202, 212, 216, 35, 36, 37, 38, 120, 122, 123, 124, 125, 129.
RM500 / 3 bulan penjara / keduanya	Seksyen : 34, 121, 128
RM100	Seksyen : 126
6 bulan penjara	Seksyen : 127

Kadar Hukuman / Denda Dalam Enakmen Bil, 7. 2001

RM5000 / 3 bulan penjara / keduanya	Seksyen : 3, 4, 5, 6, 7, 15, 18, 24, 25, 26, 27, 28, 30, 42, 43, 45, 49
RM3000 / 2 tahun penjara / keduanya	Seksyen : 9, 10, 11, 12, 13, 14, 20, 22, 23, 29, 39, 43, 45, 49
RM2000 / 1 tahun penjara / keduanya	Seksyen : 16, 19, 21, 41, 53
RM1000 / 6 bulan penjara / keduanya	Seksyen : 16, 19, 21, 41, 53

Kadar Hukuman / Denda Dalam Enakmen Bil 12. 1986 / 1985

RM5000 / 3 tahun penjara / keduanya	4 seksyen
RM3000 / 1 tahun penjara / keduanya	13 seksyen
RM1000 / 3 bulan penjara / keduanya	17 seksyen
RM500 / 3 bulan penjara / keduanya	3 seksyen
RM100	1 seksyen
6 bulan penjara	1 seksyen
RM1000 – 3000	majoriti hukuman

Kadar Hukuman / Denda Dalam Enakmen Bil 7, 2001

RM5000 / 3 tahun penjara / keduanya	17 seksyen
RM3000 / 2 tahun penjara / keduanya	18 seksyen
RM2000 / 1 tahun penjara / keduanya	3 seksyen
RM1000 / 6 bulan penjara / keduanya	5 seksyen
RM3000 – 5000	majoriti hukuman

Nota Hujung

¹ Enakmen Pentadbiran Hal Ehwal Agama Islam 1986